


CHRISTVS EXINANITVS <sup>154</sup> <sup>84 13</sup>  
SIVE <sup>34.7.C.21.</sup>

DE CHRISTI DOM. CRUCIATIBVS  
O R A T I O

AD INNOCENTIVM X.  
PONT. OPT. MAX.

HABITA IN SACELLO VATICANO  
A CAROLO FRANCISCO DELVCA  
E Societate IESV.

*Ipso Parasceues die.*



ROMAE, Typis Manelphi M. n. elphij. M. DC. XLIX.

*SUPERIORVM PERMISSV.*

CHRISTVS EXINANTVS

215

DE CHRISTI DOM. CRUCIATIONE

ORATIO

AD INNOCENTIVM X.

PONT. OPT. MAX.

SCRIPTA IN SECELLO VATICANO

A CAROLO FRANCISCO DE WEA

Edicte 1524

Ad Paganum etc.



ROMAE, T. de Medici, in hoc. M. DC. LXX.

in Paganum etc.

Eminentiss. & Reuerendiss. Principi

IOANNI BAPTISTAE

S. R. E. CARDINALI

PALLOTTO.

*Carolus Franciscus Deluca Fel.*



HANC breuissimam de im-  
mensis Christi cruciatibus  
orationem, quam tenebris  
destinaueram, in lucem e-  
do: vt nata Dei seruatoris è Sanguine,  
tua P. E. resplendeat in purpura, quæ  
Regis diuini tincta canalibus, illumi-  
natur. Reges olim ex attriti cruore pi-  
sciculi colorem ac pretium trabeæ cō-  
parabant. Ecclesiæ verò principes, qui  
regibus æquiparantur, eò nobiliùs lu-  
cent in purpura, quò gloriofius est re-

A 2 gum

gum Regis pretioso succo, & penè  
visceribus colorari, quàm spuma fali-  
uaq. muricis purpurascere. Cum igitur  
E.P. hoc in te plusquam regale de-  
cus corriuaueris è Christi venis: ora-  
tionem hanc, quæ tuæ dignitatis apè-  
rit fontes, eo dignabere patrocínio,  
quo Societatem Iesu mihi vita cario-  
rem amplecteris. Cum præsertim o-  
peris amplissimi, imò etiam infiniti tí-  
tulum præferat CHRISTVM videlicet  
EXINANITVM: qui contractus atq. con-  
tritus in lapillum est, vt exurgeret Va-  
ticanum in montem, omnesque ter-  
ras impleret, noua planè figura Rhe-  
toribus incomperta rem Romanam  
augeret nō amplificationibus, sed de-  
crementis. Vale.

## ORATIO.



Rande mysterium, B.P. Filius Dei, qui est omnia, & per quem facta sunt omnia, vt Di- Ioan. c. 1. uinitas grandescat in nobis, penè totus exinanitur in nihil.

Vt bonis impleantur exinaniti Dei: Cælum luce, aræ vestibus, templa, solia, omnia denudantur. Et nos, vt nudo ditemur Deo, è corde, quidquid Deus non est, imò cor ipsum non proijciemus in lacrymas? Ite prædatrices lacrymæ, quæ fluit sanguis, effluite. Vt ditemur, hodiernis in tenebris furari licet: nam latro Cælum rapit. Signate viam ad furta: vos sequor. Primum iter in coenaculum est. Eucharistiam instituit. Iacta est alea: vnico iactu super mensam decoxit omnia. Deus, qui, vt non semel pro nobis totus periret, vsque ad consummationem seculi voluit Matt. 28. 20. hoc Sacramento consumi. In montem pergit Oliuarum, vt ibi, sicut oleum effusum, prodigè imò prodigiosè nostram exudet in salutem. Cant. r. 2. Diuellitur à suis, vt adhæreat cordi pœna pec-



Ex Aelian.  
1. 14. c. 13.

cati non sui. Adhæret peccator carnifex, sed  
morsu colubri sanguinolenti: propinat hic in  
horto voluptatis non poma, sed vulnera, fe-  
rit, laniat. Christus verò deuoluto in mar-  
tyres sibi debito gaudio, delibat mortem, tri-  
statur, pauet; & delicijs diuitijsque beatita-  
tis sanguinis in mare proiectis, dum facie ter-  
ram appetit, littus arripit curis naufragus &  
cruore. Prædæ inhians Iudas adest in littore.  
Abi hinc non mercator, sed prædator. Bo-  
na naufragorum rapere scelus est, anathema  
est tibi post raptam buccellam in cœna Do-  
mini fulminatum. Anathemate percussus  
proijce faces. Quid ades latro infidelis cum  
facibus & laternis oleo pinguibus peccato-  
rum? Lucerna Fidei quæritur Deus, & lam-  
padibus Caritatis: tu verò lampades tuas, ha-  
litu pestilenti dum Dominum oscularis, ex-  
tinguis: eiusdemque os, vitæ ostium, osculo &  
labro claudis impuro. Clausa est vitæ ianua.  
Morere Iuda, morere: & effunde viscera, qui  
Dei misericordiæ viscera effusa in nos immisc-  
ricordi complexu, velut obiecto proditionis  
aggere, continuisti. Sed frangit aggeres flu-  
uius amoris igneus rapidusque, qui egreditur  
a facie

Psal. 140. 5.

2 Petri. 1.  
19.

Cant. 8. 6.

Luc. 1. 78.

Dan. 7. 10.

à facie Christi. Hostem amicum vocat, ruit  
 vltro in mortem, satellites quærit, beneficijs  
 illaqueat, lapsos erigit: & tamen ab ijs, quos  
 erigit, opprimitur, ligatur, raptatur ad Iudi-  
 ces. Mea, Iesu, libertas quò raperis? deser-  
 tus à tuis iam paulatim te ipsum deserens. Ec-  
 quid tam tuum, quàm tu, quàm tua maiestas  
 diuini non hospita vultus, sed inclinata? hanc  
 tamen Caiphæ pones in domo, quæ Regia  
 dedecorum est. En irrumpit ferreus miles, qui  
 maiestatem arietatam ferrata manu tuo de-  
 turbat è vultu. Hac inuitati manu sacrilega,  
 quæ elata in colaphum faciem extulit feris, &  
 furijs, irrumpunt efferati milites ad sacrilegia.  
 Nazareno coma peruellitur, non fortitudo. Iud. 16. 19.  
 Facies ab æterno Parente posita, vt adamas, Ezec. 3. 9.  
 scelere plusquam palmari pugno teritur &  
 palma: liuoreque dum maculatur, nostræ ma-  
 culas infamiæ prorsus obliterat. Deo velan-  
 tur oculi ad ignominiam, qui suæ gloriæ cur-  
 rum totum implet oculis in circuitu: nimi- Ezec. 1. 18.  
 rum quia cæca malitia est, etiam Solem, Cæ-  
 li oculum suorum scelerum testem, si posset,  
 crueret. Conspuuntur ora: fluctus feri ma- Iudæ 13.  
 ris impij sunt despumantes suas confusiones.

Job. 38. 11.

Vtinam saltem huc vsque confringerent tumentes fluctus suos. Ad Pilatum rapiunt: inde trahunt ad Herodem: in alba, hoc est suo Agnus in vellere ab Herode deluditur, apud quem candor & castimonia semper fuerat nota dedecoris & stultitiæ. Deperdita maiestate, Innocentiæ fama & Sapientiæ impietatis in domo, quid denique restat, bone Iesu, quod amittas, nisi sanguis & vita? Ut hanc amoris prodigus & cruoris effundat, ad Pilatum redit. Sui ardoris impatiens cælitum atque hominum Amor expoliatur, qui

Colof. 2.

15.

2. Tim. 2. 9.

Principatus & Potestates, qui mortem ipsam morte fortior expoliat. Verbum Dei non est alligatum: ligatur tamen ad columnam, ut eius ego vincula non abijciam. Iam flagrat, lætusque salit sanguis in venis, ut in me totus è venis exiliat. Sistite lictores: quid ultro currentem flagris extimulatis? Me miserum! ad hæc cruenta Nili catadupa surda crudelitas est. Mensura Nili crescentis columna erat in littore. Creuere ad columnam aquæ: iam parta Ægypto fæcunditas est. Sistite. Pergunt nocui lanistæ lacteam innocentiam cruentare: pergit nudus amor ad columnæ lapidem

Ex Sen.

l. 4. nat. q.



dem omnia dilapidare. Exonerata iam viribus & Sanguine Christi Humanitas est Diuinitatis domus: & tamen ruit! quo pondere? Caritatis, quæ Deum potuit sola prosternere. Et totus hac ruina Mundus non ruit? ruiſſet, niſi Chriſti ruina Mundi fuiſſet erectio. Inſpice, ſi potes ò Homo iacentem Deum. Fugit oculos, vix apparet: vidimus, & non erat Iſaie 53.2. aſpectus. Huc ille decreuit gigas, vitæ noſtræ cursor & viæ. Metire: vermiculus eſt, Pſal. 118.6. qui vno ſui caſus impetu ſcelera, voluptates, 2. Reg. 23.8. hoſtes interfecit innumeros. Erige te virorum fortiſſime: ſi te columna non fulcit, fulciet arundo: hæc namque inanis & vacua Sap. 3.7. Dei omnibus euacuati fulcrum & ſceptrum eſt. At quæ cum hoc ſceptro corona componitur? è ſpinis! reuellaris è Chriſti capite Exod. 3.2. ingrata ſpina: melius in arundineto quàm in ſpineto diuini cruoris ſcintillæ diſcurrent. Coronauit te olim in Rubo purpura flammaram Deus non abſumpſit: tu verò purpuream ſanguine Deo coronam implicas, vt abſumas? Sterilis es & rapax, & eius indigna vertice, qui dedit omnia, non rapuit. Vt rea igitur, non regina, merito pulſaris arundine. Quamquam

quam tu quoque grauis arundo es, quæ spinea ferta dum verberas, vulnera Christo grauas & asperas, & dum hominum vanitatem, tanquam vas figuli, eius in fronte confringis, ferream solidaris in virgam. Pone arundinem, Rex dolorum: Crucem amplectere: in montem procede, & regna: regnabis si diuini corporis ærario prorsus exhausto, regnum sanguine comparabis. Veteres olim Lusitani resectas seruorum manus Dijs vt victimas immolabant. Accepta forma serui dedisti omnia: præbe nunc manus Crucis in aram quibus omnia dedisti. Horresco referens. Malleus Dæmon vniuersæ terræ malleatores extimulat. Clauos hi Domini figunt in manibus, tundunt, feriunt, referiunt, terebrant. O dolor! o spectaculum! o manus! è quibus cataractæ Cæli apertæ sunt, vt in arca naufraga diuini corporis diluuiο beneficiorum attollatur Mundus in Cælum. Tu tamen, Domine, dum hoc diluuiο nos alluis, torrentis instar in æstu Caritatis arescis, & sitis. Verum ecce iterum exinanito Deo inanis offertur arundo cum spongia, quæ, quidquid liquoris hauserit, pressa exprimit, & siccatur.

Om-

Omnibus cōfectus ærumnis, & ipsa quoque Parente Virgine in cor Ioannis expressa, vnum superest, quod dissolvas & dissipes, vt nos sceleribus dissipatos tuo coniungas in corde. Ecquid illud est? Obstupefcite Cæli super hoc, & tenebris exhorrescite. Audeo dicere: tua Christe vita est; tu ipse. Vt igitur ego sim, Christus non erit? non erit. Et inclinato capite tradidit spiritum. Exinanitum vnguentum est: lapides Sanctuarij dispersi vas aureum, admirabile, opus Excelsi in operibus ardoris sicut cera liquatum: denique Deus homo deletus a facie terræ, ne tu homo euerfor Dei delearis a facie Cæli. Grande donum: impone lanci: mille mundos appone. Christi nihilum exinaniti Mundis præponderat infinitis. Si gratus es, redde, quod potes: reddes, si pro eo te totum impendes, qui vt sua dona perpetuaret in te, nihil sibi reliquit, imò nec SE.

Iere. 2. 12.

Ioa. 19. 30.

Cant. 1. ex

lec. Ambr.

l. 3. de Vir.

Thren. 4.

Eccli. 43. 2.

Genes. 6. 7.

F I N I S.

LIBRARY OF THE  
HON. A. J. C.  
LITTON, CHURCH

1892